

續補侍兒小名錄

溫
豫
撰

中
華
書
局

續補侍兒小名錄

此據稗海本排印
初編各叢書僅有
此本

續補侍兒小名錄

宋 晉陽溫豫

二書所載共一百七十六條。猶未備也。乃復續補焉。

初葬妻以葬殺其子。涕泣失明。令太子臨居中養焉。葬妻旁侍者原碧。葬幸之後。臨亦通焉。恐事泄。謀共殺葬。臨妻愜國師公女。能爲星語。宮中偶有白衣會。臨喜以爲所謀且成。後貶爲義陽王。出在外第。愈憂恐。會葬妻病困。臨手書曰。上於子孫至嚴。前長孫中孫。年俱有三十而死。今臣臨復適三十。誠恐一旦不保。中室則不知死命所在。葬候妻疾。見其書大怒。疑臨有惡意。不令得會喪。既葬。收原碧等考問。具服姦謀殺狀。初葬爲侯。就國時幸侍者增秩。懷能。開明。懷能生男。興。增秩生男。匡。女。開明生女。捷。皆留新國。以其不明故也。王葬傳

皇太子詠武陵王左右五鬲傳杯詩曰。頂分如兩髻。簪長驗上頭。捉杯如欲轉。疑殘已復留。玉臺新詠

楚春申君有愛妾曰余。春申君正妻之子曰甲。余欲君之棄其妻也。因自傷其身以視君而泣曰。得爲君妾甚幸。雖然。適夫人非所以事君也。適君非所以事夫人也。身故不肖。力不足以適二主。其勢不俱適。與其死夫人所者。不若賜死君前。妾以賜死。若復幸於左右。願君必察之。無爲人笑。君因信妾余之詐。爲棄正妻。余又欲殺甲。而以其子爲後。因自裂其親身衣之裏。以示君而泣曰。余之得幸君之日久矣。

甲非不知也。今乃欲強戲余。余與爭之。至裂余衣。此子不孝。莫大於此矣。君怒而殺甲。韓非子

劉曠。豫章海昏人。義熙二年病困。頓二十餘日。手足皆冷。正腹微暖。二日二夜。蹶然起坐。云有人著小幘。喚曠西北向有樓。其上有綵女團坐作樂。見曠。住樂相指而笑。游歷未遍。不知所從而出。倏忽至此。病於此都。愈後月餘。黨輩於平澤射獵。留曠守舍。因晝眠。聞語何女郎通使。便覺蹙然。已至。自說東海何氏八歲而夭。於今十歲。應爲君妻。故來修好。何女郎曰。昔日樓上之擊節。我也。衆以君見棄。是以相笑。智瓊杜蘭香咸我曹也。婢名採薇。奴名邊羅。常以九石合拌奠。果問家中吉凶。及晴雨之占。必驗。曠母妻嫌之。被妬日滋。女曰。應爲君妻。妬嫌已至三年而無子。何以見忌。後留信宿。曠家以湯澆之。慘然而言曰。苟不我容。便與君辭。既去之後。慎勿相憶爲君累也。幽明錄

楊帝自到廣陵。沉湎失度。每睡須搖動。或歌吹聲齊。方就一夢。侍兒韓俊娥尤得意。每寢必令振舉支節。乃得睡。不厭。賜名爲來夢兒。蕭妃密令訊之。帝不舒。汝能安之。豈有他媚。俊娥進言。妾從帝自都城來。帝在何安車。車行高下不等。妾態自搖。帝就搖。洽悅。妾後得以侍寢。私效車中之態。成寢。非他媚也。他日蕭妃譖去之。帝暇日登迷樓。憶之。題柱二篇云。黯黯悲侵骨。綿綿病欲成。須知潘兵鬢。強半爲多情。又不信長思憶。絲從鬢裏生。閑來倚柱立。相望幾多情。大業拾遺

唐思元大夫崔義起妻蕭氏。蕭鏗女也。爲人妬忌多瞋。好打奴婢。不信業報。麟德元年。從駕洛陽。至二年五月身亡。蕭所愛婢名閭玉。信樂佛法。家因夫人設三七齋僧。正食時。夫人自來看齋。枷項鎖腰獄卒。

衛從唯聞玉見夫人靈著。此婢使傳語家內大小云。吾適崔氏爲性多瞋橫。不信因果。今至地獄受罪。極重。願汝眷屬將吾平生受用資具。速舍至七七日爲設齋云云。法苑珠林

余媚娘者才婦也。夫亡以介潔自守。陸希聲時爲正郎。聞其容美而善書。巧智無比。俾行人中善言者游說之。媚娘乃約媒曰。陸郎中若必得兒侍巾櫛。須立誓不置側室及女奴。則可爲陸家新婦。希聲諾之。既歸二年。夫妻敦睦。無何希聲又獲名姬柳舜英者。姿殊麗逾於媚娘。媚娘知而深怨之。密銜不發。異日令迎入宅。與之同處。比間候希聲他出。即召舜英閉私室中。手刃殺之。余媚娘殺錄

蜀青石鎮陳洪裕妻丁氏。因妬忌打殺婢金扈。潛於本家埋瘞。仍榜通衢云。金扈逃走。經年遷居夾江。因夏潦漂壞舊居渠岸。見死婢容質不變。鎮將報州追勘。擬伏其婢屍。一夕壞爛。遂寘丁氏于法。歐戒錄

前南鄭尉李雲於長安求納一姬。其母未許。雲曰。子誓不婚。乃許之。號姬曰楚賓。數年後姬卒。卒後經歲。遂婚前南鄭沈氏。及婚日。雲浴於淨室。見楚賓執一貼藥末。徑前謂雲曰。誓余不婚。今又與沈家作婿。無物相奉。贈君香一貼。以資沐浴。寫藥末入斛中。以斂攪水訖而去。雲甚覺不安。羸困不能出浴。遂死。支體如綿。筋骨並散。開奇錄

洛之女伶曰孟思賢。巧黠人也。嘗爲君侯王制之寵。貯焉。制之所私伊宙。亦衙門將。多與制遊。思賢舍故僕射慎之子也。風流善杯酒。思賢心悅之。遂私焉。闔鎖益牢。即踰牆而奔於宙。制知不可奈何。遂逐思賢出門。宙且納焉。宙有女奴曰解兒。有愛於宙。思賢心忌之。一日杖解兒。脛間出血。見骨。解兒瘡甚死。

明年長慶二年軍亂伊甫遇飛矢而死思賢無所庇復投制制得之喜曰有甘吾心者矣遂命以短兵關思賢二脛踣且極捶之制臨觀語思賢曰其能踰牆而奔於伊甫耶迨夜閑於幽室思賢終夜呼曰解兒解兒不能惠我速死耶竟不勝其楚毒再宿而死遂與甫同瘞於邢之東門外昭義軍記別錄

吳太伯祠在東閶門之西每春秋季市肆相率合牢醴祈福于三讓王多圖善馬綵豔子女以獻之時乙丑春有金銀行首糾合其徒以輕綃畫美人侍婢捧胡琴以從其貌出於舊繪者名美人爲勝兒蓋戶牖牆壁間前後所獻者無以匹也女巫方舞有進士劉景復送客之金陵置酒于廟之東通波館忽欠伸思寢乃就榻夢見紫衣冠者言曰讓王奉屈劉生隨至廟周旋揖讓而坐王語劉生曰適納一胡琴妓藝甚精而色姝麗知吾子善歌故奉邀作胡琴一章以寵其藝初生頗不甘命酌人間酒一杯與飲遂巡酒至并獻酒物視之乃向館中祖筵者生飲數杯而醉作歌曰繁弦已停雜吹歇勝兒調弄還遶撥四絃攏撚三四聲喚起邊風駐明月大聲嘈嘈奔淠淠浪蹙波翻倒溟渤小絃切切怨颼颼鬼哭神悲任恣率倒腕斜挑掣流電春雷直憂騰秋鶻漢妃徒得端正名秦女虛誇有仙骨我聞天寶十年前涼州未作西戎窟麻衣右衽皆漢民不省胡塵暫遄勃太平之末狂胡亂犬豕崩騰姿唐突玄宗未到萬里橋東洛西京一時沒一朝漢民沒爲虜飲恨存聲空嗚咽時看漢月望漢民怨氣衝聲成曄曄國門之西八九鎮高城深疊閉閑卒河湟咫尺不能收輓粟推車徒兀兀今朝聞奏涼州曲使我心魂暗超忽勝兒若向邊塞彈征人血淚應闌干歌成劉生乘醉落魄草札而獻王尋繹數四召勝兒以授之

王之侍兒見有不樂者。妬色形於坐中。持酒以金如意擊勝兒面。破血淋襟袖。生乃驚起。明日視素續。果有損痕。歌今傳於吳中。嘉異記

石季龍趨捷便弓馬。勇冠當時。勒深嘉之。拜征虜將軍。爲聘將軍郭榮妹爲妻。季龍寵惑優僮鄭櫻桃。面

殺郭氏。更納清河崔氏女。櫻桃又譖而殺之。晉書載記

成風聞成季之繇。乃事之而屬傳公焉。杜預注。成風。莊公之妾。僖公之母也。左傳閔二年

元載寵姬瑤英之母趙姬。本岐王愛妾也。後出爲薛氏妻。生瑤英。杜陽編前書只載瑤事。故續補此。

隋煬帝幸月觀。中夜凭蕭妃肩說東宮時事。適有小黃門映蓋微叢。調宮婢衣帶爲微刺骨結。笑聲吃吃

不止。帝望見。腰肢纖弱。意爲寶兒而有私。帝披單衣長衫不帶。急行擒之。乃宮婢雅娘也。大業拾遺

霍小玉命侍兒櫻桃。褰幃執燭。授李生筆硯。又取珠絡縫綉囊中。出越姬烏絲欄素段。以授生。生素多才

思。援筆成章。薛防霍小玉傳前已載浣紗桂子獨遺此事。

長安中有媒氏鮑十一娘。故薛蒼駙馬家青衣也。折勞從良十餘年矣。性便僻。巧言語。豪家戚里無不經

過。追風挾策。推爲渠帥。嘗受李生誠託厚賂。意頗德之。經數月忽聞扣門甚急。生攝衣迎問曰。鮑卿今

日何故惠然而來云云。霍小玉傳

崔氏驚。婢曰紅娘。嘗爲崔持綵牋以授張生。元微之鶯鶯傳

平陸尉薛昭元和中坐謫。有田山叟者。贈藥一粒。教令遁去。因入蘭昌宮。見雲髻仙衣女子三人。詢其姓

氏長曰雲容。姓張氏。次曰鳳臺。姓蕭氏。次曰蘭翹。姓劉氏。飲酣。蘭翹命骰子白二女曰。今夜佳賓相逢。須有匹偶。請擲骰子。遇采強者。得以薦枕席。雲容數勝。蘭翹遂命薛郎近雲容姊坐。昭發問曰。夫人何許人也。何以屈此容曰。某乃開元中楊貴妃之侍兒也。妃念極嘗獨舞霓裳於綉嶺宮。妃悅。贈我詩曰。羅袖動香香不已。紅蕖裊裊青烟裏。輕雲嶺上乍搖風。嫩柳池邊初拂水。詩成。皇帝吟諷久之。亦有繼和。但我不憶耳。此時多遇皇帝與申天師談道。夕死可矣。師乃與降雪丹一粒曰。汝但服之。雖死不壞。但能無今日之分。不久處世如何。我曰。朝聞道。夕死可矣。師乃與降雪丹一粒曰。汝但服之。雖死不壞。但能大其壠。廣其穴。舍以真玉踈而有風。使魂不蕩空。魄不沉寂。而有物拘制。陶出陰陽。數百年若遇生人。得交精之氣。或再生。便爲地仙耳。昭因詰天師之狀。乃田山叟之魁梧也。乃大駭曰。山叟卽申天師明矣。不然。何以委曲使余符籙日之事哉。裴錫薛昭傳

唐監察御史清河張佖。侍兒仙鵝。能歌舞。解書翰。常出使以仙鵝充使典。有密知者將發之。佖鈎鉅多數。

竟得不發。御史筆記

沈詢在昭義嘗宴府中賓友。歌著詞令曰。莫打南來鴈。從他向北飛。打時雙打取。休使兩分離。及歸而夫

妻皆爲嬖妾歸秦所殺。北夢瑣言

申胡子朔客李氏之蒼頭也。李氏本亦世家子。得祀江夏王廟。吾與對舍於長安崇義里。遂將衣質酒命余合飲。氣熟杯闌。因謂吾曰。李長吉爾徒能長調。不能作五言歌詩。直強回筆。端與陶謝詩勢相遠。幾

里吾請撰申胡子賦。栗歌以五字斷句。歌成。朔客大喜。擊觴起立。命花娘出幕徘徊。拜客稱善。三弄於是以弊辭配聲。與子爲壽。李賀集

謝秀才。有妾綈練。改從於人。秀才引留之不得。後生感憶。座人製詩嘲謝。賀復繼四首。李賀集

梁元帝爲妾弘夜姝。謝東宮。實合心。花釵敗曰。夜姝昔往陽臺。雖逢四照。曾遊澧浦。慣識九衢。未有仍我爵釵。還勝翠羽。飾以南金。裝茲麗玉。修靡夫人。本分章華之裏。中山孺子。獨荷春宮之恩。有志當熊。無

期投閣。藝文類聚木門

梁元帝爲妾夏王豐。謝東宮。實錦啓。略曰。舒將並石。堪來暮雨。縈持結纜。刺可蕩舟。藝文類聚木門長沙定王發母唐姬。故程姬侍者。景帝召程姬。程姬有所避。不願進。而飾侍者唐兒。使夜進。上醉。不知以爲程姬而幸之。前漢

廣川王去有所幸姬王昭平王地餘。許以爲后。去常疾。姬陽成昭信。待視甚謹。更愛之。去與地餘戲。得真中刀。笞問狀。服欲與昭平共殺昭信。笞問平不服。以鐵鉞鉞之。強服。乃會諸姬。去以劍自擊。地餘令昭信擊昭平。皆死。立昭信爲后。幸姬陶望卿爲修靡夫人。主繒帛。崔修成爲明真夫人。主永巷。昭信復譜望卿云云。後云數召姬榮愛與飲。昭信復譜之云云。前漢

禽滑釐問於子墨子曰。魯氏有叔姪同處者。叔曰無恆。姪曰數奇。無恆有妾曰善倭。蓄私夫以生子曰不類。數奇愛不類如其子。無恆久乃告數奇曰。不類非吾子。他人之子也。汝勿以爲弟。李賀集

侍兒小名錄 續補

王丞相有幸妾姓雷。頗預政事。納賄。蔡公謂之雷尙書。世